

中國東方文化研究會歷史文化分會編

江蘇古籍出版社

歷代碑誌彙編

中國東方文化研究會歷史文化分會編

歷代碑誌叢書

第五冊

江蘇古籍出版社

歷代碑誌叢書第五冊目次

金石萃編一百六十卷(二)

〔清〕王昶撰
清嘉慶十年經訓堂刊本

金石萃編卷四十五

賜進士出身 誥授光祿大夫刑部右侍郎加七級王昶誤

唐五

張琮碑

碑高七尺二寸三分廣三尺六寸三分三十行行六十字正書額題唐故□□光祿大夫張府君碑十二

唐陽縣雙照村
唐□□□光□□□□□刺史上柱□□□□□

光祿大夫□□□□□庶子黎陽公子□□撰

夫□□□丞龍興□□□天立極夷難開□□□多
士以經綸駕群雄以戡翦然則輕車飛將靡刺舉之方

金石萃編卷四十五 唐五

一

擁節塞帷無折衝之略其能入陪乘石戎章肅於鈞陳
出撫名藩文德被於江不摠英謀以挺秀敷善政以還
征見之使君南安公矣君諱琮字文瑾武威姑臧人也
夫運籌帷幄名□三傑之先立効井陘功居八王之首
屬金行不競寓縣分崩涼王建定亂之勲成割地之業
洪源將導江而俱遠層構與干雲而共高龜組相暉青
紫交映備在簡謀可略言焉曾祖誼魏驃騎將軍涼州
刺史黃門侍郎散騎常侍武威郡公剖符作牧恩重璽
書執戟從官榮隆夕拜祖昌周驃騎將軍鄜城郡太守
死王事贈上柱國瀛州總管河北莊公分竹宰民化光

金石萃編卷四十五 唐五

二

露冕臨難殞命節重結纓父辯隨上柱國使持節秦州
諸軍事秦州總管潭州總管左武衛大將軍河北郡開
國公建旗江表思結湘流橫劍禁中聲高文陛惟公摠
煙霞之秀氣秉川岳之淑精器寓深沉風調爽逸文□
叶上將之略大樹表將軍之威切挺縱橫綴帟爲戲少
懷慷慨聚米成圖超武安以振威邁淮陰以買勇加以
琢磨道德黼藻仁義砥名勵行聞諸鄉黨資孝爲忠形
乎家國少習文史尤工騎射沉沙滅電旣練之於兵書
持短入長亦精之於劍術公釋褐隨奮武尉于時東夷
未賓阻遼水以爲固頻擾黃龍之戍亟侵靈苑之城隨
煬帝親馭貔貅以誅梟鏡公壯踰投石捷類舉旗命賞
疇庸以居其取特蒙標異授朝散大夫尋除新鄭縣令
公濟以寬猛施以韋絃遂使單父興謠蘊蒲息盜善政
旣著俄遷潁川郡丞此乃魏室之舊都胡公之故國元
寇成列朱輪接軻公綏之以淳化肅之以嚴威千里揚
風百城仰德時屬隨人委馭海縣沸騰或裂壤而鳴張
或分星而口視丹野塗地漂杵溺驂徒懷王允之心空
軼賈生之失旣而晉野降白雲之瑞秦川開赤玉之圖
搜俾於是遷虞張陳所以歸漢 高祖太武皇帝御
紫極而統天坐鸞扈而則地文爲治本資德教以化民

武以除殘藉干戈以靜難擇賢分職量器授官除公驃騎將軍仍加上開府昔霍氏勲高沙塞任重中權黃君望亞鼎司寵光口府以今方古彼何足云尋改授左衛中郎將劉武周稱兵馬邑結援龍城挺禍汾陰連橫河曲

今上龔行天口公陪從戎麾蒙授左三摠管公智包三略勇冠六軍運奇謀以抗千里舞勁劍而摧八陣兇徒既殲反旆還京除左衛長史其中郎將如故王世充早事隨口口以戎旃曾無勤王之心翻肆問鼎之志莽卓未足方其罪泥瘴豈得比其辜遂使宗社淪胥懷生板蕩齊建德同惡相濟共為犄角王師運九變之

金石萃編卷四十五

唐五

三

謀掘口口之士風馳電掃拉朽摧枯公預官度之勲參崑陵之捷按功追賞超絕等倫劉黑闥建德餘孽尚蓄狠心擁兵趙魏構難漳滏勢其豕突未革鴟音

口纂此一戎遂清九宇於是稽天息浸飛岳口塵飲至

策勲蒙授上柱國封南安縣開國侯食邑七百戶又檢

校叅旗軍副又檢校左領左右中郎將備闕口口衛率

近臣侍奉委之以正人爪牙寄之以心齊貞觀元年授

太子左衛率又檢校右武衛將軍左領軍將軍四年蒙

授雲麾將軍行左衛率如故於是警口口坊恪勤晨夕

標羽儀於甲觀擅風流於望苑十年授銀青光祿大夫

行睦州刺史方當班六條於勁越哥兩岐於全吳望俗變文身風移鑿齒紹還珠於口口追降鳳於潁川豈謂日口難翻閱川不息忽感何祜之夢遂同聲伯之悲貞觀十一年十二月之任在道寢疾薨於宋州館舍春秋五十有五痛結寮執口口行人孝行受名謚曰懿公禮也卽以十三年二月十一日遷厝於始平之原惟公德方琬璧照荆岫而騰暉材挺棟梁茂鄧林而聳幹破楚入郢之略平口口齊之謀彈壓六奇籠蓋十策陳力草昧之始立効雲雷之初功著升陲勲高戰執執武帳八舍稟其軍容受律戎軒四按佇其神筭加以地居右

金石萃編卷四十五

唐五

四

威望口口卿帝鄉近親莫之比盛祖母李

景皇帝

之女贈信都郡大長公主母竇隨文帝之甥夫人長孫

文德皇后之姊尚主嬪王光華帝戚魚軒鶴口

口映濯龍未嘗富貴嫡人恒以盛滿為戒方應驂八駿

之駕高宴瑤池陪七佐之遊問道襄野豈謂九轉之方

莫効十枝之貴難留奄切頽山忽悲幽壤子口口子振

等恐炎涼迭代星紀循環海變三山谷遷九地所以鐫

口勒石播美騰芳警東都之前永識滕公之墓漳亭之

側長標太尉之墳乃為銘曰

口口茂緒眇眇長瀾七葉輔漢五世相韓續叅經啓業

頂艱難代摠衡雲世襲衣冠山瀆降靈煙霞誕祉比德
珪鉞齊芳蘭衡升浮光照車蘊美縱橫翰略口口圖
史運屬交喪時逢七剝爭竊寶符競窺帝籙禮廢禮祀
口毀龜玉兕甚拔山暴踰比角天地初闢光華方旦破
袁奇策滅項神筭受脤除殘執柯靜難口口三傑績隣
十亂霧徹雲銷功成治定屢典交戟頻膺龍命裂壤恩
隆分歷禮盛儲坊述職江皋從政歲月易度生涯若浮
夕峰隱景夜壑遷舟鵬龍轉施口口迴軻式鈔翠石永
樹芳猷

書其剝泐其文爲于志寧所撰以前有黎陽公于四

金石萃編卷四十五

唐五

五

字尚隱約可辨也額篆書文正書不知爲誰某矣中

惟槩下改本從丐駘旁易馬爲女頗覺新異張琮字

文瑾武威姑臧人除睦州刺史未到官而卒唐史有

傳抱經堂文集

右陸州刺史張琮碑碑出於近時趙子函顧寧人二

家於秦中石刻搜剔最夥亦未見斯碑也琮家世貴

顯姻連天家且有從征之功而姓名不載於新舊史

非神道復出于千有餘年之後琮且泯沒以終古矣

韓退之誌張季友墓云其上世有冢者當宇文時爲

車騎大將軍鄜城太守卒葬河北諡曰忠公與碑所

稱官諡小異此碑時代尚近宜得其真附書地理志
上郡後魏置東秦州後改爲北華州西魏改爲敷州
大業二年改爲鄜城郡今觀此碑則周時已有鄜城
郡之名矣文云騁其豕突以騁爲騁以突爲突也云
建德餘孽以孽爲孽也云哥兩岐于全吳以哥爲歌
也云茂鄧林而聳幹以幹爲幹也云未嘗富貴嬌人
以嬌爲驕也云高宴瑤池以宴爲宴也潛研堂金石文跋尾
張琮碑子向未有拓本癸丑歲館東昌及門天津吳
生仲蘭以所蓄善本請予書跋案琮新舊唐書俱不
爲立傳其歷官始末見于碑者有曰左三總管其職

金石萃編卷四十五

唐五

六

不見史志舊唐書尉遲敬德傳爲左一馬軍總管程

知節傳領左一馬軍總管今此職豈與是相類與唐

書兵志高祖初起開大將軍府以建成爲左領大都

督領左三軍燧煌公爲右領大都督領右三軍左三

總管殆隸于大都督爲其屬貳與碑稱王世充不避

世字太宗本紀已已令曰依禮二名不偏諱近代已

來兩字兼避廢闕已多率意而行有違經典其官號

名人公私文籍有世民兩字不連續者并不須諱然

則初令之行當時遵奉見于碑者信可徵矣授堂金石跋

按此碑首題僅存唐字尤字刺史上柱字餘皆缺

泐文亦但稱君諱琮字文瑾武威姑臧人也不署
姓某雍州金石記所見拓本有張府君碑字知其
爲張琮也琮及其曾祖誼祖嵩父辯魏周隋書北
史及兩唐書俱無傳不能詳攷祖母李景皇帝之
女景皇帝者高祖之祖諱虎于太宗爲曾祖則其
女爲太宗之祖姑也而追贈信都郡大長公主史
亦不書琮以貞觀十一年薨年五十五則其生在
隋開皇三年推其曾祖仕魏當在西魏朝以其官
涼州刺史也祖仕周爲鄠城郡太守周紀戰伐只
書東伐齊及宣政元年突厥入寇兩州事此外別

金石萃編卷四十五

唐五

七

無用兵之時文稱祖嵩死王事不知其死于何年
之王事也父辯仕隨官潭州總管隋書地理志長
沙郡舊置湘州平陳置潭州總管府大業初府廢
隋文帝平陳在開皇九年則辯之仕隨在開皇九
年以後大業以前也文稱公釋褐隨舊武尉于時
東夷未賓阻遼爲固場帝親馭貔貅以誅梟鏡煬
帝紀載問罪遼左事在大業七年冬及八年春則
琮時已三千歲矣文又有劉武周稱兵馬邑云云
唐書高祖本紀平劉武周乃武德三年事平王世
充等乃武德四年事唐書兵志武德初始置軍府

金石萃編卷四十五

唐五

八

以驃騎車騎兩將軍府領之百官志親衛之府一
曰親府勳衛之府二曰勳一府二曰勳二府翊
衛之府二一曰翊一府二曰翊二府凡五府每府
中郎將一人正四品下此云左衛中郎將未知其
爲勳府爲翊府抑勳府之一府三府翊府之一府
二府也又左右驍衛上將軍左右武衛上將軍左
右威衛上將軍左右領軍衛上將軍俱有左右翊
中郎將府官同驍騎不知卽此左衛中郎將否也
又左右衛有驍衛武衛威衛領軍衛之別各有長
史一人此云除左衛長史不知其何衛也上柱國
勳視正二品開國縣侯爵從三品食邑當千戶開
國縣伯則食邑七百戶此以縣侯而食邑同於縣
伯何也雲麾將軍爲武階從三品銀青光祿大夫
爲文階從三品蓋出爲刺史故改授文階而品則
仍從三品睦州爲上州上州刺史本從三品然則
上柱國之勳加子階一等也琮以貞觀十一年十
二月薨于宋州館舍至十三年二月始遷厝始平
之原是留於宋州者一年餘矣始平縣名屬京兆
郡後更名興平與咸陽爲隣然則今碑所在之咸
陽雙照村在唐時屬始平縣也文於諱字上稱君

以下並稱公一文而君公互稱亦一例也碑書祖
曷官鄭城郡太守謚莊公莊當卽莊字之省似非
壯字臬鏡卽臬鏡通用字徒懷作徒懷別體字

姜行本碑

碑連額高七尺二寸廣三尺二寸十八
行行四十七字文及額俱正書在哈密

大唐左屯衛將軍姜行本勒石口口文

昔凶奴不滅實將軍勒燕山之功國越未清馬伏波樹
銅柱之迹然則振英風於絕域申壯節於異方莫不騰
茂實於千秋播芳猷於萬古者矣 大唐德合二儀

道高五帝握金鏡以朝万国調玉燭以馭兆民濟濟衣

金石萃編卷四十五

唐五

九

寇煌煌禮樂車書順軌扶桑之表俱同口口化所沾濡
之鄉成暨苑天山而池口海內北戶以靜幽都莫不解
髮於藁街改左衽於夷口高昌國者乃是兩漢毛田
之壁遺兵之所居趙文泰卽其苗裔也往因晉室多難
群雄競馳中原之主邊隅遂隔開屈口口口口玉露
口至今靡口口口自 皇威遠被魯額來庭雖沐仁
風情懷首鼠杜遠方之職貢阻重譯之往來肆口狠之
心起蜂蟻之口口口口庶賊殺無已 聖上愍彼蒼生
申茲弔伐乃 詔使持節光祿大夫吏部尚書上柱國
陳國公侯君集交河道行軍大總管副總管左屯衛大

將軍上柱國永安郡開國公薛萬均副總管左屯衛將
軍上柱國通川縣開國男姜行本等爰整三軍襲行天
罰口妖氛未殲將軍逞七縱之威百雉作固英奇口九

攻之略以通川公深謀開出妙思縱橫命口前軍營造

攻具乃統沙州刺史上柱國望都縣開國侯劉德敏右

監門中郎將上柱國淮安縣開國公衡智錫左屯衛中

郎將上柱國富陽縣開國伯屈昉左武侯郎將李海岸

前開州刺史時德衡右監門府長王進威等並率驍雄

鼓行而進以貞觀十四年五月十日師次伊吾時羅漫

山北登黑紺所未盈旬月赴成奇功伐木則山林殫盡

金石萃編卷四十五

唐五

十

叱咤則川谷驚薄衝梯蹙口百口冰口機槍一發千石
雲飛墨翟之拒無施公輸之妙詎比大摠管運籌帷幄
繼以中軍鐵騎巨原野金鼓動天地高旗弊日長鼓蔽
雲自秦漢出師未有如斯之盛也班定遠之通西域攻
迹罕存鄭都護之滅車師空聞前史雖當世著伎獨何
人乃勒石紀功傳諸不朽其詞曰

於赫大唐受天明命化濟得口口無與競荒服猶阻夷

居不定乃拜將軍弼茲臬鏡其六奇口思群雄還力陣

開龍口營口口口口麗星光旗明日色揚旌表振威

西拯其峨峨峻嶺眇眇平原塞雲嶺結胡風盡口口口

□□高樹□□銘功讚德□□□□

貞觀十四年歲次庚子□六月丁卯朔廿五日辛卯立

瓜州司法叅軍河內司馬□□□□□

碑左側

側寬四
可二行

交河道行軍總管左驍衛將軍□□□□□□□□

□□吳仁領右軍□□□

交河道行軍總管左武衛將軍上柱國□□縣開國

公牛進達領兵十五万

金石萃編卷四十五 唐五

土

高昌之役爲行軍副總管出伊州距柳谷百里依山

造攻城增損舊法械益精其處有漢班超紀功碑行

本磨去古刻更刊頌陳國威靈遂與侯君集進平高

昌唐書姜行本傳

碑嶺上有唐碑文多駁落尚存侯君集領十四萬軍

等字一統志

關石圖者番語碑也嶺上有唐侯君集領兵四十萬

西征之碑而字已剝落不成文矣使西域記 奉

此卽太宗詔伐高昌勣文泰事也唐書高昌傳稱侯

君集爲交河道大總管薛萬均薩孤吳仁副之契必

何力爲葱山道副大總管牛進達爲行軍總管率突厥契苾騎數萬討之據此云□孤吳仁領右軍十五萬牛進達領兵十五萬與史言相合中叙君集封陳國公行本封通川縣男史俱不及文後有瓜州司法叅軍河內司馬太真詞具行當爲撰文人姓名關中金石記

金石萃編卷四十五 唐五

土

平君集刻石紀功乃別是一碑今已無存舊一統志

誤以此卽君集所刻乃云高昌卽土魯番地東去哈

密尚一千五百里此嶺在天山上當是君集旣平高

昌凱旋而東過此山因而勒石傲竇憲勒銘燕然之

意震耀武功非勒石於高昌國都今按碑額題大唐

左屯衛將軍姜行本勒石紀文則非君集所刻明甚

君集克高昌在八月癸酉而碑立於六月辛卯蓋在

進兵之時亦非凱旋後所刻也唐書西域傳拜侯君

集爲交河道大總管左屯衛大將軍薛萬均薩孤吳

仁副之碑無薩孤吳仁名疑西域傳誤潛研堂金石文跋尾

按碑番言科舍圖故又名科舍圖嶺今屬巴里坤一
統志高昌卽吐魯番地東去哈密尚一千二百里
密唐時伊州伊吾縣自貞觀四年內附卽置州縣此
嶺在天上當時君集旣平高昌凱旋而東過此山
因而勒石唐書侯君集傳及西域傳所云刻石紀功
卽指此碑當時必以天山高峻傲竄憲勒銘燕然之
意震耀武功非勒石於高昌國都者據此則今哈密
北碑嶺之碑宜立於平高昌凱旋後也然考唐書太
宗紀貞觀十三年十二月壬申侯君集爲交河道行
軍大總管以伐高昌十四年八月癸酉克高昌九月
癸卯赦高昌部十二月丁酉侯君集俘高昌王以獻
西域傳高昌捷書聞天子大悅君集勒石紀功旣而
旋俘智盛君臣獻觀德殿行飲至禮侯君集傳高昌
平君集勒石紀功還以此泰互求之是侯君集勒石
紀功當在八月癸酉以後而今碑嶺之碑石刻六月
辛卯可知其非一碑更以姜行本傳磨班碑更刊頌
之文考之則此碑之建當在伊州造械之際進平高
昌之前卽按碑文所載僅修軍容未陳凱績亦相符
合然則侯君集平高昌紀功當別有刻石未可云卽
指此碑而當曰紀功之碑亦未必不立於高昌國都

金石萃編卷四十五 唐五

三

碑在遠方摹拓者少近時錢少詹事嘗跋其文
云碑多剝落以余推之僅十餘字墨濕暈不可識案
文內所序事跡始末云高昌國者乃是兩漢屯田之
壁遺民之所居翹文泰卽其酋豪也又云雖沐仁風
情懷首鼠杜遠方之職貢阻重譯之往來唐書西域
傳文泰與西突厥通凡西域朝貢道其國咸見壅掠
伊吾嘗臣西突厥至是內屬文泰與葉護共擊之帝
下詔讓其反覆今碑所指是也錢君指碑無薩孤吳
仁名疑西域傳誤案碑前二行於正文不屬題云交
河道行軍總管左武衛將軍上柱國口城縣開口公
口孤吳仁名自顯存又有交河道行軍總管左武衛
將軍上柱國口城縣開國男牛進達領兵十五萬與
唐書載武衛將軍牛進達爲行軍總管突厥契苾數
萬討之合則當時二人名固在也但諦認此二行字
不似碑正文或行本自紀其功而二人班師後另書
名於此爾行本傳高昌之役出伊州距柳谷百里其
處有漢班超紀功碑行本磨去古刻更刊頌陳國威
靈今碑式與裴岑紀功碑相類信爲漢製無疑行本
粗莽可爲嘆息也

授堂金石跋

金石萃編卷四十五 唐五

西

按此碑乃姜行本伐高昌時道過天山所立也是

時帥師者侯君集而碑文則專紀姜行本營造攻其之功也新唐書姜謩傳謩子確字行本以字顯貞觀中爲將作少監護作九成洛陽宮及諸苑囿以幹力稱蓋其智巧精于營造者也其伐高昌造攻城事與碑合侯君集傳新舊史俱言先封潞國公後授陳州刺史改封陳國公關中金石志謂史不及者偶失檢也侯君集薛萬鈞史皆與碑合劉德敏以下俱無攷行本傳雖云行本磨去古刻更刊頌陳國威靈而碑文詳叙行本造械云機櫓一發千石雲飛墨翟之拒無施公輸之巧詎比似是

《金石萃編卷四五

唐五

五

從征者所頌并非行本所自爲也嘉興許燦晦堂詩鈔有漢唐紀功碑詩云周郎從軍越絕塞好古所至窮蒐羅古碑出見豈偶爾鑿地竟得雙嵯峨詩作於康熙間是漢唐二碑出土同在一時漢碑未嘗磨去也原註云漢碑文云維漢永和二年八月燉煌太守雲中裴岑將郡兵三千人誅呼衍王等斬馘部衆克敵全師除西域之灾綱四郡之害邊境又安據威到此立海祠以表萬世唐碑前題云大唐左屯衛將軍姜行本勒石紀文未題歲月云大唐貞觀十四年歲次庚子六月丁卯朔二十

《金石萃編卷四五

唐五

六

五日辛卯云云又文中紀三總管銜名悉與此碑合又乾隆間錢塘施養浩出塞存稿有邊碑詩自註云巴里坤漢碑惟漢永和二年八月燉煌太守雲中裴岑將郡卒三千人誅呼衍王壽建祠以誌萬世云原本湮沒今西門外廟僧立石殿階陋劣可笑雍正九年大將軍查郎阿以南山達坂陡峻不能運車糧乃相度山形開鑿以通之山巔得唐碑係貞觀十四年伐高昌鞠文泰左屯衛將軍姜行本勒石紀文碑字多殘闕據此則唐碑尚存而漢碑非其舊矣兩說不同如此要之行本傳稱磨者另一班碑非卽永和二年裴岑碑所更刊頌之文亦另有一碑非卽此碑也碑云高昌國者乃是兩漢屯田之壁遺兵之所居鞠文泰卽其苗裔也舊唐書傳高昌者漢車師前王之庭後漢戊巳校尉之故地交河城前王庭田地城校尉城也然則侯君集爲交河道行軍大總管是所伐乃前王庭矣傳又稱其王麴伯雅卽後魏時高昌王嘉之六世孫隋煬帝時以戚屬宇文氏女爲華容公主妻之武德二年伯雅死子文泰嗣貞觀時西戎諸國來朝貢者皆塗經高昌文泰後稍墜絕之卽碑所

云仕遠方之職貢阻重譯之往來者是也此碑及漢裴岑碑自岳鍾琪查郎阿兩將軍出塞以後始知西域有此二碑而流傳尚少戶部侍郎裴公曰修出塞測量道里攜兩碑以歸嗣後往來者購求攜帶流傳稍廣矣碑書芳猷作芳馥苑天山苑卽苑字愍彼蒼生愍當作愍廣韻愍聰也與愍字義別此殆避太宗諱借愍爲愍也率卽率字機檜一發千石雲飛者左傳檜動而鼓音釋又作檜建大木置石其上發機以鎚敵者也高旗弊曰弊卽敵

金石萃編卷四十五

七

伊闕佛龕碑

高一丈六寸廣六尺六寸五分三十二行行五十一字正書額題伊闕佛龕之碑篆書在洛陽伊闕

口夫藏室口閣之舊典蓬萊宛委之遺文其教始於六
經其流口於百氏莫不美天地爲廣大嘉富貴爲崇高
口物致用則上聖口口發育御氣乘雲則列仙體其變
化茲乃盡域中之事業殫方外之天府踰繫表而稱篤
論口帝先而謂窮神豈非徇森漫於垺井者未從海若
而泳天地也矜峻極於塊臯者未託山祇而窺地軸也
烏識夫無邊慧日垂鴻暉於四衢無相法寶韞善價於
三藏泊乎出口口之外寂焉超筌蹄之表三界方於禹

金石萃編卷四十五

十八

跡也猶大林之匹豪端四天視於候服也若龍宮之方
蝸舍升彼岸而捨六度則罔孔尚溺於口淪證常樂而
捐一乘則松高莫追其軌徹由是見真如之寂滅悟俗
諦之幻化八儒三墨之所稱其人填口隴矣杜史園吏
之所述其口猶糠粃矣若夫七覺開口口正分塗離生
滅而降靈排色空而現相唯妙也掩室以標其實唯神
也降魔以顯其權故登十号而御六口絕智於無形之
口口口口而冥五道應物於有爲之域是以慈悲所及
踰恒沙而同跬步業緣既啓積僧祇而比崇朝故能使
百億日月蕩無明於口口口口口口口口法雲於下土然

金名萃編卷四十五 唐五

大

則功成道樹非練金之初跡滅堅林豈斷籌之末功旣
成俟與典而垂範跡旣滅假靈儀而圖妙是口口口口
口口其化於迦維載節丹青發其善於震旦繩繩乎方
便之力至矣巍巍乎饒益之義大矣 文德皇后

道高軒曜口口口口淑聖表於無壇柔明極於光大沙
麓蕃社塗山發祥來翼家邦嗣徽而贊王口聿修陰教
正位而叶帝圖求賢顯重輪之明逮下口厚載之德忠
謀著於房闥口敬申於 宗祀至誠所感清朗魄於
上至柔所破蕩震騰於下心繫憂勤行歸儉約胎教口
口本枝冠於三代閭政攸叙宮掖光於二南陋錦繪之

華身安大帛賤珠玉之寶志絕名璫九族所以增睦萬
邦所以至道宏覽圖籍雅好藝文酌黃老之清醇窮詩
書之溥博立德之茂合大兩儀立言之美齊明五緯加
以宿殖遠因早成妙果降神渭溪明四諦以契無生應
蹟昭陽馳三車以濟有結故縣區表剝帑金猶須達之
園排空散花踊現同多寶之塔諒以高視四禪俯輕未
利深入八藏顧口勝髮豈止釐降揚旌軼有媽之三文
載祀騰實越高辛之四妃而已矣左武侯大將軍相州
都督雍州牧魏王體明德以居宗膺茂親而作屏發暉
才藝兼苞禮樂朝讀百篇摠九流於學海日摘三賦備

金石萃編卷四十五

唐五

九

萬物於詞林驅管衛以驂鑣馭梁楚使扶輿長人稱善
口口千里之口通神曰孝橫口四海之濱結巨痛於風
枝纏深哀於霜露陽陵永翳懷鏡險而不迫闕宮如在
望階除而增慕思欲弭口驚岳申陟配之悲鼓柷龍池
寄寒泉之思方願拾白亭而遐舉瑩明珠於兜率度黃
陵而撫運蔭寶樹於安養博求報恩之津歷選集靈之
域以爲百王建國嗣大必揆於中州千尊託生成道不
口於邊地惟此三川定總六合王城設險曲鼻營定鼎
之基伊闕帶同文命闢襄陵之口穹隆極天崢嶸無景
幽林招隱洞穴藏金雲生翠谷橫石室而成蓋霞舒丹

巖臨松門而建撫密基拒於嵩山依希雪嶺口流注於
德水何佛連河斯固真俗之名區人祇之絕境也王乃
罄心而宏喜捨開藏而散龜貝楚般竭其思宋墨騁其
奇疏絕鋒於玉繩之表而靈龕星列雕口石於金波之
外而尊容月舉或仍舊而增嚴或維新而極妙白豪流
明掩蓮花之質紺髮揚暉分檀林之侶是故近瞻寶相
儼若全身遠鑒神光湛如留影啖饒玉之爲劣鄙刻檀
之未工杲杲焉踰日輪之麗長漢峨峨焉邁金山之映
巨壑耆闍在目那竭可想寶花降祥蔽口雲之色天樂
振響奮口口之音是以觀法身之妙而八難白弥聞大

金石萃編卷四十五

唐五

十

覺之風而六天可陟非正真者其孰能與於此也善建
佛事以報鞠口之慈廣修福口以口口提之業非純孝
者其孰能與於此也昔簡狄生商既口迴於名相公旦
昨魯亦口遁於國城猶且雅頌口其功同和於天地管
弦詠其德口口口鬼神况乎慧燈普照甘露徧灑任如
尊名具之以妙覺開平茂實成之以種智是用物紺碣
於不朽譬彼法幢陳讚述於無窮口口口口俾夫衣銷
劫口與金剛而比堅芬納須弥隨鐵口口齊固口口口
口迺作頌曰

十号開緒二諦分源有爲非寶無相稱尊光宅沙界大

居給園仁舟載溺智炬排昏緣發現_口終還淨色身
覺掩靈照遠鏡布金降真攻玉圖聖五道有載三乘無
競

帝唐御紀文以定祥功濟赤縣德穆紫房十品
散馥三慧騰光廣闢香地載紐元綱卓爾英王_口口茂
則丹青神句鹽梅王國擲_口口口橫海_口德孝思不賈
報恩_口忒聿修淨業于茲勝境梯危紫_口口口翠嶺_口
石表相因山墓_口口口雖遙求心寧永豪_口口口口口
口口口口祇樹樓似增_口飛泉灑漢危石臨星巖垂日
近松_口口口口宣勝業載圓邪山滅地傾_下

唐起居郎褚遂良書三龕記字畫尤奇偉在河南龍

金石萃編卷四十五

唐五

三

門山山夾伊水東西可愛壁間鑿石爲佛像後魏及
唐時所造惟此三龕像最大乃魏王泰爲長孫皇后
造也

集古錄

龍門山鑿石爲佛像無慮萬計石窟最大者今名寶
暘洞像尤高大洞外石崖高處有刻字拓之得二十
餘行首尾不具不知年月姓名按集古錄有三龕記
貞觀十五年魏王泰爲長孫皇后造岑文本撰銘褚
遂良書今拓本有聿修陰德等語又有左武侯大將
軍相州都督雍州牧魏王及懷鏡奩而不追云云知
卽此記也

金石文
字記

集古錄有貞觀十五年三龕記云唐兼中書侍郎岑

文本撰起居郎褚遂良書字畫尤奇偉三龕像最大
乃魏王泰爲長孫皇后造也寶刻類編云貞觀十五
年十一月磨崖刻今缺撰人年月据此書知洛陽縣
志云賓陽洞舊有岑文本三龕石刻今失者誤也額
篆書闕字作闕字謬甚碑稱文德皇后道高軒曜云
云又稱左武侯大將軍相州都督雍州牧魏王卽魏
王泰予以丙午秋日閱視兵伍因過伊闕山訪賓陽
洞見泰所造三龕佛像大五六丈其伊闕夾水兩岸
石龕佛像數百皆後魏及唐世所鑿也龕之旁側往

金石萃編卷四十五

唐五

三

往有刻字惜不能徧窮其勝因憶水經注稱闕左壁
有石銘云黃初四年六月二十四日辛巳大出水舉
高四丈五尺右壁又有石銘云永康五年河南府君
循大禹之軌部督郵辛曜新城令王琨部監作掾董
衡李襄斬岸開石平通伊闕石文尚存也疑此刻磨
崖不致失墜好古之士訪之當或能見焉故附識于
此

中州金
石記

碑在賓陽洞之南磨崖刊此石近亦損裂惜無年月
可案集古錄謂魏王泰爲長孫皇后造者在貞觀十
五年攷十七年泰卽降王東萊今記書左武侯大將

軍相州都督雍州牧魏王知此碑自十年長孫后既崩以後而泰猶未獲罪降徙時為近之但必于十五年未審歐陽子何據也

授堂金石跋

按舊唐書太宗諸子列傳漢王泰字惠褒太宗第四子初封宜都王進封衛王收封越王授揚州大都督貞觀五年兼領左武侯大都督並不之官八年除雍州牧左武侯大將軍九年轉鄜州大都督十年徙封魏王遙領相州都督十七年降封東萊郡王此碑稱左武侯大將軍相州都督雍州牧魏王則立碑當在貞觀十年以後十七年以前矣新

金石萃編卷四十五 唐五

三

唐書稱太宗十四子文德皇后生第四子泰太宗本紀貞觀十年六月己卯皇后長孫氏崩十一月庚寅葬文德皇后于昭陵此碑為文德皇后造寺文有云結巨痛于風枝纏深哀于霜露陽陵永翳懷鏡奩而不追闕宮如在望階除而增慕是立碑當距葬文德皇后不遠也碑云惟此三川是總六合史記秦紀莊襄王元年初置三川郡注河洛伊也碑有中州伊闕字是指中州之三川也左傳守闕塞宇蘭勝大元大一統志引服虔注云南山伊闕是也碑書峻作峻轍作微崇基拒于嵩山拒當

作鉅發揮作發暉皆借用字拙魄作叨魄叨即古文拙字仿佛作仞佛仞即篇文仿字白豪作白豪豪本从高得聲說文作豪篇文作豪後人省作豪也

段志元碑

碑連額高一丈九寸廣三丈八寸三十二行行六十五字正書額題大唐故右衛大將軍揚州都督段公在醴泉縣昭陵

唐故輔國大將軍右衛大將軍楊州都督襄忠壯公段公碑銘

□□□□□□□□□□□□□□□□

金石萃編卷四十五 唐五

三

蓋聞經邦致治必資輔相之士折衝禦侮寔賴將帥之臣是以尚父鷹揚□□□□於□□□□□□□□□□於□□□□□□□□□□□□□□□□□□□□□□□□聲稱頌騰芳史冊存與日月爭輝沒與金石不朽至於拔萃著美塞旗馳譽繼雲□□□□驍驍□□軌其唯忠壯公乎公諱□字志元□□□□人也若夫□宗臨嶠崇基冠於眾丘長河浩汗洪源導於積石是以庭堅作士□周□伯陽之教千木作師東海□經明之績煥乎方策豈不□歟祖□□□□□□□□□□守德元□俗政治唯良考偃師散騎常侍益都縣開國

公贈洪州都督八州諸軍事謚信公勤邁□□功□□
□公□□極之秀氣□□□□□□□□孝□踐
□基於忠烈□表瓊奇器量宏遠我我焉猶曾峯之跡
嵩霍滔滔焉若清流之澄江漢故能齡年立志冠歲□
名質性方直□□於汲黯交結□□□□□□□□
隨大業□薄伐遼左公占募從征年始十四夫兵戰凶
危也遼碣遐阻也童牙而從兵戰忘□而涉遼碣□□
□識基於是矣 高祖道踰湯武□□□□ 今上地
兼魯衛爰始登庸公附翼方舉攀光旭旦委質邁奔走
之臣就列踰蜀漢□□□□頭朝散大夫從 上破

金石萃編卷四十五

唐五

圭

西河□朝□□□□破□老□於霍□遷銀青光祿
大夫昔舞陽策名從沛邑而力戰子衛效命臨昆陽而
先登□□茂勲方駕前烈□與□□劉元靜破□□□
屈突通累遷□光祿□□□□□□濟縣侯食邑□
千戶又從 上討薛舉劉武周以功授樂遊府驃騎將
軍進封武安郡公食邑并前二千戶公勇冠三軍氣高
□戰□馬電發則□□必□□□□□則□□□□是
以紆金章於巖廊苞舉樊鄴分桓珪於奧壤牢籠冠耶
君子以爲宜哉又從 上□王世充□□□□第一□□
□授□□□□尋□□□□□□□□ 上初踐

少陽無忘惟舊除左虞候率及膺寶命言念嘉庸拜左
驍衛將軍若乃盡□□□□□□□□□□□□□□
□召於往□□□□□□□□□□□□□□令孰能 恩
隆善賞禮優夜拜者哉俄賜別食封四百戶遷左驍衛
大將軍又爲梁州□□□雍岐□州□□□進封□
□公食邑□千戶□食封□□戶通前□百戶又以
□官檢校原州都督又統承風道行軍討吐谷渾丁父
憂未幾起復本任 文德皇后山陵檢校□□□□
□□□□□□□□□□□□□□□□□□於□府加等
進秩□寵歲重於周行而司勳授冊天下所以勸善良

金石萃編卷四十五

唐五

美

史執簡後昆所以欽風 □□覽前書□惟近代□□
□□□□□□□□□□□□□□□□□□□□
□特□金□諸軍事金州刺史子孫承襲改封褒國公
食邑如故與司徒趙國公等同受冊命從□□陵□
檢校武□大將軍尋遷□衛大將軍□□□□□□
□□□□□□□齊聲內典鈎陳與辛越而方軌非
聖帝不能曠茂績非奇才不能取高位於是見君臣之
合契唱和之如□焉又丁母憂□□□□□□□□
□□□□禮□著□劔□錡懷黎莪而疚心泣血苦廬
瞻几筵而增絕銜恤成疾致毀遠漸中使結微於□□

□□□奇於藥劑 □□□心膂 慈深覆育親□窳
□□□同旣班□貴又誚所言公銘戴 恩私對揚
忠到城郢之志豈惟楚臣慎赦之言寧慙□相旣而子
與日□^平仲不□類彼劉□□宗□□□□□□□
□□□□□以貞觀十六年□月十八日薨於京師
之禮泉里第春秋卅五 上情深悼傷舉哀於別次雖
□□之□□孫□君之悲仁祖方之箋□□□□□
□□□之□□□於念功勸善之□寔深於追往故銀
軍大將軍右衛大將軍襄國公段志元器宇敦確風略
沉毅□質運始□□□□效勇□於麾□□勤□□□
□□□□□□□□□方□□歷永寄心膂與善莫黜
奄焉殞喪震悼之情倍深傷惜哀榮之典宜加恒數可
贈輔國大將軍使持節都督楊和□潤常□□七州諸
軍事□□□□□官□□□於昭陵□□□□塋地
并東園祕器葬事所須並宜官給賻布絹五百段米粟
一千石四品一人監護其儀仗送至墓所仍送□事
上又追懷功烈乃 詔司存圖形於戟武閣太常孝行
謚曰忠壯公禮也惟公氣岸崇峻□字□深□樹幃旗
□懷□□□□□□□□□□□□□□猛志□□托
貔貅而靡懼高節邁俗觸雷霆而不驚遂乎河出馬圖

金石萃編卷四十五 唐五

王

金石萃編卷四十五 唐五

天

腰佩□紐爵兼千乘裂□□之膏腴位□□□漢庭
之榮寵□□□□□□□□□□之道克□於家國
仁義之風不愆於出內懷公孫之不伐慕孝甫之循情
行式到□晦其扛鼎之力言□木訥韜其涌泉之慮加
以敦睦宗族□□□□□□□□□□□□鄉黨□□
□□恕已以及物仁心天發輕財以濟窮豈非朝廷之
爪牙人□之領袖者已故吏□名等慨微音之遂往懷
遺愛而□□□請書□□□□□□□□□□□□
碑於□□□□□□猶勒銘於江表況乎誠著草昧功
參征伐顧灌□^而俯視□冠賈布長驅豈可使改名之
□有□□□□□□□□□□□□□□□□爲□
頌曰
方叔詠周條侯稱漢東都御錄昭伯翦亂西晉握圖□
治作翰美矣人傑於焉□□奇節自然瓌姿□發□□
□□□□□□□□□方□□日月氣薄霄漢□高雲
闕王業肇建□道旣融策名若水披荆漢中腰健靖難
提戟臨戎斬良□勇括羽定功鐫□□職刑馬□□□
□□□入□□□□□□□□□□□□□□之榮超張
□許志大心小位隆德盛奉國忘身惴惴畢命事親竭
力蒸蒸表行莅事以勤臨下以敬銜恤在疚奪情□職